

Progetu *Pescato di qualità / piscadu de calidade* ~ invitu a s'avenimentu finale

19 de maju 2015



UFÌTZIU DE SA LIMBA E
DE SA CULTURA SARDÀ[®]
PROVINTZIA DE ARISTANIS

Sa Càmera de Cummièrtziu de Aristanis est agabbende sas atividades de su progetu “**Pescato di Qualità / Piscadu de calidade**” finantziadu dae sa Regione Autònoma de Sardigna tràmite su FEP 2007/2013 - Mesura 3.4 Bandu 2011 “**Isvilupu de mercados noos e campagnas destinadas a sos consumidores**” art. 40 Regulamentu (CE) 1198/2006.

Sas atividades diferentes chi pertocant sas tres macro-atziones de su progetu - sa campagna de educatzione alimentare in sas iscolas, sa formatziona de sos operadores de sa filera de sa pesca e sas atividades de su percursu “*Pescato di Qualità / Piscadu de calidade*” – sunt agabbadas dae pagu tempus, cun cuntentu mannu e praghere dae parte de totu sos chi nde ant leadu parte. Imbetzes sas atividades de sa campagna de comunicatzione e promotziona previdida in s’òmblitu de su progetu si sunt ancoras faghende.

Su **25 de maju dae sas 10.00 a sas 13.30**, b’at a èssere s’avenimentu finale de torradura e cumpartzimentu de sos resurtados de su Progetu, in s’**IMC Tzentru Marinu Internazionale - ONLUS**, Localidade Sa Mardini a Torremanna (Aristanis).

Durante s’avenimentu ant a èssere presentados sos resurtados de su Progetu “*Pescato di Qualità / Piscadu de calidade*” fintzas cun su contu de calicunu chi at partetzipadu a sas atividades e s’at a fàghere unu dibatu subra sas chistiones chi pertocant su setore de sa pesca in relatzione a sa programmatziona regionale.

Sunt invitadas a partetzipare a su dibatu sas istituzziones pùblicas, sas aziendas ìticas interessadas a su progetu “Pescato di Qualità / Piscadu de calidade”, sos assòtzios de categoria de su setore, sos dirigentes e sos dotzentes de sos Istitutos iscolàsticos interessados a sa campagna de educatzione alimentare de su progetu, chi ddi narant “**Acqua in Bocca - Scopriamo e condividiamo i sapori del mare / Acqua in bocca – Iscoberimus e cumpartzimus sos sabores de su mare**”.

Durante s’addòbiu sos alunnos de una pariga de classes chi ant leadu parte a sa campagna “Acqua in Bocca”, ant a fàghere, paris cun educadores espertos, atividades lùdico-didàticas e de aprofundamentu in contu de pesca e de acuacoltura.